



Auff Luthers

grewel wider die heiligen Still/
mels.
Antwort.

Itz wie/wo/und mit wol/
chen wortten Luther yhn seyn
büchern tzur aufftrur er
mandt/geschriben
vnd getriben
hat.

AD BIBL.
UNIVERS.
MONAC.



M. D. XXV.

Hiero. Emser Büchlein wünschet dem Leser
heyl und gnad von Got.

Vorrede.



Ich hab nu mit hilff Gotlicher
gnaden / sieben Jar ane vnderlaß wtd den
auffrührschē vñ verleugnetē Monch Mer-
tin Luthern geschriben. Mit darumb das
ich mich eynicherley besserung oder beke-
rung bey ym vermut het. Sonder dem ar-
men einfeltigē volck zu getrawer warnüg / zu sterck vnser
heiligen gloubens / vnd zu offenbarung seyner falschen vnd
verdampften lere. / Die weyl ich aber vermarckt / dz die welt
itzo also geschickt ist / das sie die lugin mher liebet dan die
warheit / vñ mit gewalt betrogē seyn wil / het ich bey mir
beschlossen / mich dyser sachen hinfurt zu müßigē. Nichts
desweniger zu trost den frömen Christen / die noch vhest
bey der heyligē Mess halten / hat mich Luthers erschreck-
lich vnd vnchristlich buchlin wider die heyligen Stillmess
widerumb yhn harnasch gelagt / Der halben vñnd die
weyl Luther gemelt buchlin auff tzuwey stuck gestelt / orst
lich sich selbst weyßbrennen / vnd entschuldigen will / das
er tzur auffturr nit geraten. Vnd tzum andern tzu dem Ca-
non tzu sturmt. Will ich meyn antwort ouch auff dysse
tzuwey stuck settzen / Vnd Luthern ob Got will yn den bel-
den zu ein lugner machen / Das wolt ich dir o du Christ-
licher leszer zu vnderricht vnd beschließlichem ynhalt dis
buchlins ym besten vñvorhalten lassen / Got beuolhen.

Eigentum der
Universitäts-Bibliothek
München

Der erste teyl dis Buchlins von der auffturr
so Luther erweckt hat.



Das der Almechtig ewig Got /
zu diser vnsern getzeyten / so vil irthumb
Nach / Straß / vñ Plagē vber vns Tewt-
schen ausschut / vnd verhenget / das wir
(die lust nyemant vberwinden kan) einan-
der selbest vberweltigen / vnser eygen va-
terland antzunden / verbrennen / verheren / vnd die hand yn
vnserm elgen blut waschen / Ist nit des Canons noch der
heiligen Mess schuld / Wie der lesterer Gotes / vnd offen-
bare veynd seyner heyligen kirchen Martin Luther yn seynē
grewel wider die heyligen Stillmess mit ertichten vnd erlo-
gen Worten furgibt / Wie er dan vorhin ouch gelogen / da-
er yn seynem buchlin von vffturr vnd empörung zuuorhutē
geschribē vnd vns verwhener hat / wir dörffen vns vor key-
ner auffturr behsaren / Dan Got dem Babst vnd den seynē
ein ander end geben werd / dan leyplichen tod oder auffturr
dann sie wie Daniel viij. vnd Paulus ij. Thessa. ij. von ynen
gepropheceyet hab / one hand tzerknurset / vñnd von dem
mund vnser liben Herren Jesu das ist von seynem worte
getödt werden sollen.

Nu darff es keyner beweyfung / ist leider all tzu grob
am tag / ob die sach on hand oder leyplich tod vnd auffturr
ergāgen sey / Vnd ist Luther hie als ein falsch Prophet vñ
verkerer der schrift (der dō die obgenanten tzuu stell Da-
nielis vnd Pauli / so auff den Entchrist lawten / felschlich
auff den Babst gedewth hat) auff der offenbare lugin er-
griffen. Wie er dann itzo ouch lengt vnd treugt / das er die
schuld / so er vorhin dem Babst zu gemessen / nu auff die
heiligen Mess legen wil. Dann wo die Mess diser ding eyn

ursach wer/müßte die straff vorläufigst vber unsere Eldern
vnd vorsehen Kömen seyn/die so vil Messen gestift/vñ gar
ein hitziger lieb vnd andacht dartzu getragen/dann wyr
itzt zu dysen vnserm getzeyten/Ja es müsten auch andere
Christliche Land/yn welchen die Mess noch yhn ir alten
wird vnd ebran gehalten/dennassen auch gestrafft/vnd
vnder vnd von ein ander selbst erschlagen vnd erwurgt wer-
den/Die doch Got Job/ zuuor and also Luters lehrnt an-
genömen haben) yn gutem frid vnd gedeyhen sitzen/Zim
dritten/so müsten auch alle heilige Ppst/Bischoff/Pri-
ster/Werterer vnd Beychtiger so den Canon gehalten vnd
vor tawset laren gleich wie wir itzo Mess gelesen/geirret
vnd Got damit gelestert haben/vnd derhalben ewiglich
verdampft seyn/das ye bey Christlichen oren frombd vnd
erschrecklich zuhörari ist.

Derhalben so kan vnd mag die schuld der heilige mess
nit seyn/Dann yn meynen bedingung/hab ich aus gloub-
wirdigen geschichten vnd geschichtschreybern angesetzt/
Das vil andechtiger Keyser/König vnd Fursten dieweyl
sie bey der Mess gestanden/ir veynd vberwunden haben/
vnd die Maurn zu Pamplona vnd andern orten/vor denen
ir volck gelegen/von yn selbst wunderbarlich eyngesallen/
vnd an alle schwertschleg erobert worden/Dergleichen
auch der gemeyn man tzeugnis geben muß/dz ynen des
tages daran sie vleyßig vñ andechtiglich Mess gehört od
gesehen haben/all ir sachen/zur narung vnd lust dester
richtiger vnd glückseliglicher hinauß gangen seyn/Wye
auch ein itzlichen frommen Christen/miltiglich tzu glou-
ben ist/mit des Pusters halben/er seye from oder vnfrom
sonder von des wegen/der do gehandelt vnd gewandelt
wilt.

Wilt wol yn die schuld des Canons nit ist. So selbt es

vns doch an schuldē nicht/vnd darff nyemant gedanken
das vns Got vnrecht thue/so er vnser sund strafft. Die
weyl aber unsere veter auch sunder geweest/vnd darnocht
so hart nye angegriffen/als wir itzo/Müssen wir sonder
tzweyuel was größers verschuldet haben/dann die selbst
gen unsere veter vnd voreldern.

Was aber die recht ursach vñ schuld sey/dieser vierhor-
te aufftur vñ verderbens tewtscher Nation/ist von denen
die ire ougē auffthon/vñ die wunderliche gericht Gotes
anschawen/gut abzunehmen/Dann dieweyl Got etwan
auch vorhangt/das sich die erd auffgethan/vnd die auff-
rurischen lesterer Moysi vnd Aronis verschluckt/vnd also
so lebendig yn die hell gesturtzt. Danebē auch bey den funff-
tzeihen tawset Juden auff ein tag/des gehen todes hath
sterben lassen/Alleyn darumb das sie die selben lesterer der
Oberkeit vnd Regenten vnd ynen geduldet vñ nit gestrafft
sonder sich ihres murrems anhangig vnd teylhafftig gema-
cht haben/Numeri. xvi. Vnd aber wir Tewtschen itzo ein
lange tzeyt durch die sinder gesehen/geduldet vnd gestat-
tet haben/das vilgedachter Werten Luther nit alleyn vn-
sere Oberste Regenten Ppstliche heilikeit vñ Keyserliche
Majestat/sampt aller geystlichen vnd weltlichen oberkeit
so gar freuenlich veracht/vnd widder verbot der Gölliche
schriffte vermaledeyet. Sonder auch das hochwirdig Sa-
crament/die Mutter Gotes vnd alle heiligen/sampt der
Mess vnd allen Christlichen Cerimonien vnd heylikeitē so
gar vnchristlich getadelt/geschmehet vnd gelestert hat.
Was istts dann wunders/das got vber vns Tewtschen
itzo also ertzornet vnd ergrymmet/das er so vil tawseth
Manne yn eynem Jar von keynem frommen volck noch
veynde/Sonder Tewtsch von Tewtschen vnd Christē vñ
Christen/hat lassen vmbkemen/vnd sich selbst so iemmer

lich vnder einander erstechen vnd ermorden? Oder was
ander ursach konnen wir antzeygen/ Dann alleyn dysen le-
sterer Merten Luthern/ sampt seynen anhangern/ helffern
schutzern vnd auff halten? Dann was ist gewolichers
oder erschrecklichers bey vns Tevtschen ye erhört wor-
den/ dan die Gotslesterlichen gewolichen schandt buchlin/
so Carolstat wider das hochwirdig Sacrament/ Luther
Zwügel vnd die tzwen Pröbst zu Turenberg wider dye
heiligen Messz vnd sonderlich wider die Stillmessz geschri-
ben/ vnd das gemeyn volck damit versurt vnd geergert
haben?

Noch finden sie lewth/ die sie wider so vil Bepflicher
Keyserlicher/ vnd des gantzen Reichs ausgegangne Mä-
dat vnd verbot auff halten/ schützen/ furdern/ vnd yhn ir
boßheit stercken/ Wölche onch vber dysen Ketzerrey also
vortzoubert vñ begawelt sein/ das sie Luthern noch dar-
tzu entschuldigen vnd vns vberreden wollen/ er habe zu ge-
melter auffrur nichtzit geraten noch geschriben/ Ja es ist
der vnuerschempte Mönch noch onch selber so kün vnd
frech/ das er die Papisten so bald im anfang seynes gewo-
els wider die heylligen Stillmessz lügenstrafft/ vnd spricht
offentlich sie liegen yn an/ das er disse auffrur erweckt od-
ye dartzu geraten hab.

Es müsten aber nit alleyn die Papisten/ Sonder onch
die Keyserliche Malesstat/ sampt allen Churfursten/ Fur-
sten vnd Stenden des heylligen Reiches liegen (mit tzu-
ten zu redē) wo Luther an disse sach keyn schuld het. Dann
yn dem Keyserlichen Mädat zu Wurms beschlossen/ mit
ausgedruckten wortten ertzelt vnd erweyset wirt/ dz Lu-
ther selber keyn buch geschriben/ das nit tzur auffrur/ zer-
trennung/ krieg/ rodtschlag/ rauberey/ brand/ vnd gan-
tzen abfall des Christenlichen gloubens vnd verwüstung

Tevtscher Nationrayche/ Wie dann solichs alles/ als
wer es ein Prophecey aus dem heyligē geyst gewest/ itzo
erfüllet vnd vns leyder all zu war worden ist. Wie so vil ver-
wüster vnd vorbranter Schlos/ Stet/ Merckt vñ Dörfe-
fer/ Clöster/ Kirchen/ vnd Gotsheuser/ dartzu so vil ver-
goffens Christlichs blutes/ vnd so vil armer/ elender wit-
wen vñ weysen ougenscheynlich antzeygē/ Vñ vngetzwey-
nelt dye todte cörper/ wo sie itzo wyder auff stundē selber
onch bekennen/ alle schuld auff Luthern legen/ vnd rach-
yn hymel chreyē wurde/ nit alleyn vber yhn/ als den Prin-
cipal stifter vnd antzunder/ aller dysen dinge. Sond onch
vber die/ so yhn vnd die andern Ketzer vnd falsche prediger
wider Bepflich vnd Keyserlich Mandat/ vnd wider ir
gethan pflicht vnd eyd Got zu schmach vñ vns Tevtsche
zu verderblichem schaden/ so lang auffgehalten/ gefur-
dert/ vnd yhn ir Ketzerrey gewilligt vnd consentirt haben/
Dann wie der heilige Paulus saget Roma. ij. Szo sollen
die thetter/ vnd die tzur that verwilligen mit gleycher buß
gestrafft werden.

Damit aber der gemeyn man der warheit recht vnder-
richt werd/ Ob die Papisten/ oder Luther selber gelogen
das er spricht/ er habe zu disse auffrur nit geraten noch ge-
schriben/ Will ich yhn aus seynen eygen büchern/ vnd mit
seynen eygen wortten vberweysen/ das er vnd nyemant an-
ders der vater zu disem kind ist/ vnd es mit warheit nym-
mer mher leugnen kan/ Wie ein itzlicher verstandiger lezzer
aus nachuolgenden vsachen selber onch bekennen muß/

Der Heilige Paulus schreybet zu den Romern am. xiiij.
das alles das aus Got ist/ geordnet seyn muß/ vnd wer d-
ordnung widerstehe/ der widerstehe Got selber. Der gley-
chen verwarnet er vns ij. Thessa. iij. Das wir vns hute sol-
len vor ein itzlichen der da die ordnung stört vnd vnorden-

leben wandert. Musst ein ordnung vnder den Christen
nu bey den xv. hundert laren vnuerrucklich gehalten dz die
Christenheit yn tzuwen stend/namlich den geistlichen vnd
den weltlichen vnder schid den gewesen/vnd tzuweder stand zu
erhaltung bruderlicher lieb/ein tracht/vnd gemeynen fri
des/seyn sonden gewalt/ ampt/recht/vn digneit gehabt/
dartzu bey den vnderthanen volg vnd gehorsam ane alle
wider red/ Derhalben der heilig geist die Christenheit ver
gleychet eyner gemustertē ader geordneten spitz vn hore/
wölchs den veynden erschrecklich ist Cantcorh vi.

Diese ordnung vnd vnder schid gemelter tzuweyer stende
namlich der priester schafft/vnd der leybens schafft/ist nit
ein menschlich fund/wie Luther yn seym buchlin an den
Teutschen Adel felschlich furgegeben hat/Sonder von
Christo selber eyngesetzt. Das wie Got yn Alten Testa
ment das geschlecht Isral von den andern Juden abgeson
dert/vnd zudem Priesterlichen ampt vnd stand sonderlich
beruffen/aus erlesen/vnd verordnet. Also hat auch Chris
tus yn Newen Testament/seyne zwolff iunger vö wöl
chen die Geistlichen vnd Priester ir ankunfft haben) aus d
schar vnd dem gemeynen hawffen sonderlich beruffen/
aus erkorn/abgesondert/zu Priestern gemacht/inen auch
allen Priesterlichen gewalt eyngethan/vnd sie tzu Pasto
ren vnd regenten vber seyne schaff/das ist das gemeyn
Christlich volck deputirt vnd verordnet/Wye er dann
auch die weltlich oberkeit eyngesetzt/Jnen das schwert
vnd dem gemeynen man den gehorsam beuolhen/vnd der
oberkeit tzuins/tzol/vnd geschosß zugeben geheissen hat/
Wie das die heilige Euangellen vnd der Aposteln schriff
tan allenthalben mitbringen vnd clarlich außweyssen.

Also ist diese ordnung bisher yn der Christenheit gestau
den vnd erhaltē/dz gleych wie/nit die gemeyn/sond Chris
tus

stus seyne Aposteln beruffen vnd zu Priestern gemacht/also
auch die Aposteln/die andern Bischoff/rind volgend ye
eyner den andern vnd beyde stend yn gutem frid/vnd gedey
hen gefessen/so lang bis Luther komen vnd sich vntersta
den hat solichen frid/einigkeit vnd gute ordnung d Chri
stenheit zu stören/vnd die obgemelten tzuwen stende/ also
durch einander vermengen vnd verwickeln/das schir nye
mant weist/wer Koch oder Keller/wer ley od priester/herr
oder knecht sey/Dann er aus leyen priester/aus priestern ley
hen/aus Fursten Pawern/vnd die Pawern zu Fursten vnd
freyen herren gemacht/vnd yhn allen gewalt eyngerompt/
die weltlichen auff die geistlichen gebetzt/vnd beyde die
geistlich vnd weltlich oberkeit mit vnchristliche inurien an
gestast/aufftur wider sie erweckt/vnd sich seyns höchsten
vermögens geflissen hat sie gar zuwertreyben vnd vertilcken
vn summa summarū alles vngluck nit alleyn in Teutsche
landen/Sonder yn der gantzen Christenheit antzurichten.

Das aber dem also sey/will ich stucksways eins na
ch dem andern sumhemen/vnd yhn des aus seyn eygen bñ
chern vnd mit seyn eygen worten vberweyssen vnd vberkom
men/wienach uolget.

Die erste beweyssung.

Wie Luther beyde stend den Geystlichen vnd den welt
lichen durch einander vermengt/vnd die ordnung Christi
vnd der heyligen Kirchen tzurstört/dannit er allen hader vn
vngluck angericht/vnd die örsten vrsach tzur aufftur gege
ben hat.

Aus dem buch an den teutschen Adel von der Reformation.

Xiiii. am letzten bletlin.

Man hats erfunden/das Papsst/Bischoff/Priester/
Closter volck/wirt d geistlich stand genat/Furste/herrn/
D

hantwerckslawt vnd ackerlawt / 8 weltlich stad / wochs
gar eyn feyn comment vnd gleyssen ist / doch soll nyemant
daruber schuchter werden / Dann alle Christen sint war-
hafftig geistlichs stands / vnd ist vnter ynen feyn vnter-
scheyd dann alleyn des ampts halben.

Volget an dem selbigen blatlin.

Das aber der Papsst oder Bischoff salbt / blattē ma-
cht / ordinar / weyhet / anderst dann leyhen kleydet / mag
eynen gleyssner vnd ölgötzen machen / macht aber sym-
mer vnter ein Christen oder Geistlichen menschen.

Volget weyter.

Demnach so werden wir alle sampt durch die touff zu
Priestern geweyhet.

B. i. Das was aus der touff krochen ist / mag sich
räumen / das es schon Priester / Bischoff vnd Papsst ge-
weyhet sey.

Volget so man das blat vmbkeret.

So volget aus diesem / das Ley / Priester / Fursten / Bi-
schoff / vnd wie sie sagen / geistlich vnd weltlich / keynen an-
dem vnterschied ym grund warlich habē / das alleyn des
ampts vnd werckshalben / vnd nit des standes halben.

B. ii. Drüb soll weltlich Christlich gewalt ir ampt
vnter frey vnterhindert vnangesehen obs Papsst / Bischoff
Priester sey / den sie trifft. Was geistlich recht dawider ge-
sagt hat / ist lawter erticht / Romisch vermessenheit.

B. iii. In der Christenheit solt es also zugehen das
einliche stat aus der gemeyn eyn gelerten frömen burger
ermölet dem selben das pfarrampt beuelhe / vnd yhn von
der gemeyn erneret.

Aus dem buchlin des titel ist / Ein sermon

von newen testament das ist von der heiligen Messz

B. i. Darumb seyn alle Christen wauer Pfaffen.

vnd alle weyber pfeffin / es sey jung ader alt herr ad knecht
fraw ader magd / gelert oder vngelert.

Volget.

Der gloub ist alleyn dz recht Priesterlich ampt 8 vns
all zu pfaffen vnd pfeffin macht.

Aus dem buchlin des titel ist / Auff dz uber

Christlich vbergeistlich zc.

B. ii. Die schrift macht vns alle gleych Priester /
wie gesagt ist.

B. iii. Drumb die Bischoff die stzt seyn kemeth die
schrift nit.

Volget.

Wann blatten / weyhen / salben / kleyden / pfaffen vnd
Bischoff macht / so wer Christus vnd die Aposteln nye
Pfaffen noch Bischoff gewest.

Aus dem buchlin des titel ist / Ein wider

spruch Doctor Luthers zc.

A. i. Drumb acht ichs für das beste / das wir sol-
che eigne frembde priesterschaft hinfurt nit Priester / sonder
blattentregere heysen / vnd sage das vnutz volck zum land
aus. Was soll vns das platten volck / das weder geistlich
noch leylich Priester ist / vnd was bedurffen wir ir / so wir
selbs alle / leylich geistlich vnd allerley Priester sint.

Volget.

Sie fressen als die frembden vnutze gest vnser broth /
darumb nur aus mit den buben.

A. v. Sie sollen dem hawffen als die knecht vnter-
than seyn / ader wir wollen custos vrgam mit yu versuche
vnd sie mores leren.

Am end des buchlin.

Also haben wir dietzwen namen wider abgeiagt den
Kirchenreubem / das sie nit kirch noch priester sint / vnter

B. ii

dann alle Christen/Sie sollen ouch noch wider geben an
iren danck/den namen clerus/vnd leyhen ia weniger darin
leyhen bleyben.

**Aus dem buchlin / Was ein Christlich ge
meyn recht ader macht hab.**

A.ij. Daraus volget vnuidersprechlich/dz die Bi-
schoff stift closter vnd was des volcks ist / lengest keyn
Christen noch Christlich gemeyn geweest sint.

Wie wolnu Luther der gleychen ouch yhn andern bü-
chern vnd an vil orten geschribē/ so acht ich doch dise stell
für gnugsam zu beweynung wie er die geistlichen vnd welt-
lichen durch einand vermenget / auff ein ander gehetzt vnd
sich vnderstäden hat / aus den leyhen Priister / aus den Pri-
bern leyhen zu machen / vnd sie weder priister noch Christē
bleyben zulassen / alles zu trennung vnd störung gemeynen
friedes / brüderlicher einigkeit vnd der alten Christenlichen
ordnung / so wie oben gehort von Christo vnd den heylig-
en Aposteln bis auff vns herkömen ist.

Die Aider beweynung.

Wie Luther beyder obgemelten stende / gewalt / regl-
ment / ordnung / recht vnd gesetz / verack t / verworffen /
verdammet / ouch ire vnderthanen zuuerachtung vñ vngē-
horsam der selbē vermanet / Die Herren zu knechten / vnd
die knecht zu herren vnd semper frey gemacht / dartzu er
ynen allen gewalt der oberē eiteyngeromet hat.

**Aus dem buch an den Teutschen Adel vñ
der Reformation.**

D.ij. Es ist noch nichts guts vnd wirt nymer mher
aus dem Papstumb vnd seynen gesetzen kömen.

Volget.

Was soll ich sagen / sint doch in dem gätzen Geistliche

Papsts gesetz nit tzu tzeilen die ein frommen Christen
mochten vnderweyden / vnd leyder so vil irriger vnd firllicher
gesetz / das nit h besser wer man macht ein rotten hauffen
draus.

J.ij. Es ist doch menschen werck / was menschen ge-
setzt haben / vnd entsethet nymer nichts guts daraus /
man leg es wo man hin will.

Am letzten bletlin.

Wir seyn in der taxoff frey worden / vnd alleyn Götli-
chem wort vnderthan / warumb soll vns ein mensch yhn
seyne wort gefangen nhemen s

Aus Luthers Aawen Testament.

In der örsten Epistel zu den Corinthiern
am x. Capitel

Glosirt Luther vber dz wortlin (des Herren) vnd sprit-
cht / Christus ist frey / also ouch alle Christē yn allen dingē

Der gleychē treybet Luter an vil stellē seyns Testaments
auff die freyheit / Wie ich yn meynen Annotationibus vor
hin clerlich angetzeigt hab.

**Aus dē buchlin / des titel ist / Auff dz vber
christlich / vbergeistlich zc.**

Am letzten bletlin.

Es haben alletzeit menschen gesetz schadet / vnd vertun-
ckelt Götlich gesetz.

D.ij. Ja es ist keyn gewalt mher auff erden Christ-
lich gesetz zu machen / wie ich vil mal beweyst hab.

D.ij. Drum sag ich / Las vns frey / Emszer / vnd
gib nach / wie dich deyn gewissen dringt / das der Papst
ein Tyran sey / keyn recht hab gesetz zu machē vñ vns die
selben nit nutz noch noth seyn. Item / das ir dieb / wolff /
reuber / verführer verreter / vnd Judas seyt / vnd Judas
des Papst vrsärer. zc. B. iij

D.ii. Und also sint alle gebot des Paps (deren vn
tzlich vil seyn) eytel wurgstrick & seel/damit er nit in her
thut/dann sind vnd verteroen yn aller welt anricht.

J.i. Alle priesterschafft ist schuldig/bey ir seel selikeyt
den Paps hie zu stehen/vermaledeyen/widerstrebē/als
dem teuffel selbst/vnd das gedrungen gelubd yn der wey
hungtzurreyssen/als wölchs dem teuffel vnd nit Got ge
than ist.

Volget.

Zum andern volget/das all Bischoff vnd Priester/die
dem Paps hinyemen volgen/seyn ouch des teuffels bottē
vnd helffer.

Aus dem buchlin von beyß gestalt des Sa craments zunehmen.

A.ii. Wir Christen sollē vnd wollē hiny macht vnd
recht haben/die eynsetzlig Christzuhaltē/waserley weys
vns gefelt/vnangesehen/die falschen erlogen titel der kir
chen/kirch ordnung/vnd aller tyranny geistlich vnd welt
lich tzornen.

A.iii. Aus diesem grund haben wir vnd wollens ha
ben/das wir hern sint/ vber alle Bepstliche vnd mensch
liche leer vnd gebott/vnd soll yn vñern willen vnd gefal
ten stehen / ob wir sie halten wollen oder nit.

Volget.

Vnangesehen/ob Bepstlich/Keyserlich/Furstlich/od
ouch Teuffels satzung/urteil/vnd benelhe/da wider ge
felt vnd ausgegangen sey.

B.ii. Also solle wir ouch die freyheit bekennen vnd er
halten/das wir das Sacramēt mögē mit hend od mūd
empfaben/mit vnd in geweyhetē vnd vngeweyhetē kley
dem/gefessen/hewern/Dandeln wie es vns gefelt/wer
dise freyheit kucket/der lewgt abermals / er sey Paps//
Keyser/Furst/ader teuffel.

Volget.

Lass faren die vnsynnigen / Lass faren.

E.i. Drumb wolten wir solchen narren nur zu trott
vnd zu wider/durch vñnd durch beyde gestalt branchen/
vnd ir gesetz mit siesßen treten.

E.ii. Drumb wer nit gem bercht / der bleyb nu
weyth da von/ vñnd trette Paps/Fursten/teuffel gesetz
mit siesßen.

Aus dem buchlin von der weltlichen

oberkeit.

D.ii. Darumb ist gar vberaus ein nerrisch ding/
was sie gebietē/man soll der kirchen/den veteren/concilien
glaubē/ob gleych keyn Gotes wort da sey/ Teuffels apo
stel gepieten solchs vnd nit die kirche.

E.i. In Meyssen/Bayern/vnd der Marck vnd an
dem orten/haben die Tyrannen ein gebot lassen außgehē/
man soll die Newen Testament/yn die ampter hā vñ wy
der vberantworten/Die sollen die vnderthanen also thon/
Nicht ein bletlin/nicht ein buchstaben sollen sie vberant
worten bey verlust irer selkeit. Dañ wer dz thut vbergibt
Christū dem Herodes yhn die hand/dann sie handeln als
Christmorder wie Herodes.

E.ii. Vñnd den Christē soll vñ kan keyn oberkeit seyn
sonder ist ein yeder zu gleych dem andern vnderthan.

Aus dem buchlin was ein Christlich gemeyn

macht hab.

A.ii. In solche hendeln/Namlich lehr zu vrtellr/lee
rer oder seelforger/ein oder abhuzsetzen/muß man sich gar
nicht kerē/an menschē gesetz/recht / altherkōmē/brauch
gewonheit zc. Got geb es sey vom Paps oder Keyser/
von Fursten oder Bischoffen gesetzt.

A.iii. Christus setzt dz widspil / nympt den Bischoffen

gelärten/ vnd Concilien beyde recht vnd machet tzu vrteln
die lere vnd gibt sie yederman vntd allen Christen yn ge-
meyn/ daer spricht Joannis. x. Meyne schaff kennen mey-
ne stym. **Volget.**

Darumb lassen wir Bischoff vnd Concilien schließen
was sie wöllen. Aber wo wir Gots wort für vns haben/
sols bey vns stehen/ obs recht oder vnrecht sey/ vnd sie sol-
len vns weychen/ vnd vnserm wort gehorchen.

Aus dem buchlin vñ auffrur vnd emporing
tzuuerhieten.

B. iij. Elhe/ nu/ vnd hilf treyben das Ewägellon/
leer/ red/ schreyh/ vnd predige/ wie menschen gesetz nichts
sey/ Wber vnd rat das nyemant Pfaff/ Monch/ Nonn
werd/ vnd wer daryn ist heraus gehe/ gib nit mber gelt
zu glocken/ fertzen/ tafeln kirchen zc.

Aus dem buchlin von der beycht an

Frantzzen von Seckingen.

Am letzten bletlin.

Zu denen/ die/ das ein mensch gebottē hat/ furhalte/
soll man sprechen/ so will ichs nit thon/ vnd wann ers nit
gebotten het/ so wolt ichs thon.

Volget/ von dem Papste.

Seyne gebot sint nit mber anzusehen/ dann der quat
auff der gassen.

Aus dem Buchlin von der beycht an

Magistrum Alexium Colditz.

A. ij. Darumb wer nit lust zu beychten hat/ der lass
es nu vnderwegē vnangesehē was die kirch gebiet od bāne

Aus dem buchlin von der Messze.

Am letzten bletlin.

Darumb last vns huten vor sunden/ aber vil mber vor

gesetzen vnd guten wercken.

Aus dem buchlin an die Pichhart in Bohe

man vnd Mherem.

In diesem buchlin lobet Luter die Pichhart/ vñ billicht
inen das sie nichtzit halten vom Papst Bischoffen vñ iren
geletzen/ Nichtzit vom segferor vnd allem dem das dar
auff gestift ist/ mit Messen/ Vigillien/ Stifften/ Altaren/
Clostern/ vnd was des geschwurms ist wie ers nennet/
Zum dritten billicht er inen auch das sie weder die mutter
Gotes noch die andern heyligen anrufen noch Ehren/ Vñ
sagt das auch Christus nit eigentlich darumb ym Sacra-
ment sey/ das man yn da anbetē solle/ Wie man das fin-
det C. i. vnd C. iij. Wölchs alles der Christlichen kirchen
leer/ gebotten/ brauch vnd vbung entgegenist.

Noch sint vil lateynische vnd tewtsche bücher/ Sernō
vnd winckelpredigten/ yn wölchen Luter dergleychen auch
geschribn/ Geistlich vnd weltlich gewalt/ recht/ ordnig
vnd sätzung vndergetruckt vnd dem gemeynen posel allen
mutwillen erkewbt hat/ Ich hoff aber das ich meyer be-
weysung mit disen angetzeigten stellen gnug gethan hab/
vnd will die andern vmb Eurtze willen fallen lassen.

Die Dritte beweysung.

Wie Luter/ Papst/ Bischoffe/ vnd den gantzen Geist-
lichen stand nyemant außgenömen/ mit vnchristlichen In-
surien vnd schmechungen angetast vnd das gemeyn volck
auff sie gehetzt ergreimt vnd verbittert hat.

Aus dem buchlin an den Tewtschen Adel.

R. i. Hörestues Papst/ nit der allerheiligst/ Sonds
der aller sundigst/ das Got deyn stul auffschierist zur-
stör/ vnd yn abgrund der hell senck. **Volget.**

Was ist Bepflich gewalt anderst/ dann nur sund/ vñ
boßheit leren vnd mheren. **C**

A.ii. Wir müssen warlich die warheit bekennen/dz
Joannes Huss/ vnd Jeronymus von Prag/ zu Costentz
wider Bepflich/ Christlich/ vnd Keyserlich geleit vñ eyd
verbrant seyn.

K.iii. Es hat sie der tewffel toll vnd thoricht gemach-
t/ das sie nit haben gesehen/ was sie geredt ader gethā
haben.

Aus dem buchlin wider mich des titel ist/

Auff das vberchristlichst zc.

A.ii. Wehe dir du grewlicher grewel/ Kum Herr Je-
su Christe/ vnd erloß vns von dem Entchrist/ Stosß seyn
stullin abgrund der hellen/ wie er verdint hat.

J.i. Vnd also ist clar/ das das Papstumb mit sey-
ner priester schafft des Tewffels vñ Entchrists regimēt ist

Aus dem buchlin wider den falschgenantē Geystlichen stand.

A.ii. Sie faren eynher als weren sie Bischoff so es
lawter fasnachtlaruen vnd putzen sint.

A.iii. Die Geystliche höhe kömet nit von Got/ dann
Got kent das laruen volck/ vnd Nicklas Bischoff nit.

E.ii. Der Papst hat alle gebot Gots abgethan/ vnd
die seynen an die stat gesetzt. Volget.

Allir leer ist falsche getzewgnis.

E.iii. Man solt den Papst nit Papst/ sond priapus
vnd die Papisten Priapisten nennen.

E.i. Sie sint Bischoff/ aber nit der Christen. Sond
der dieb/ rewerber/ vñ wucherer/ Ja herwpt diebe/ herwpt
rewerber vnd herwptwucherer.

E.ii. Es sint nit Bischoff/ Es sint vngelarte götzen/
vnd botzen/ laruen/ vnd maulaffen/ tyrannen/ seelmorder
vnd des Entchrist Apostel sint sie. Volget.

Vnd das ichs heraus schutte/ soll yederman wissen/

das die Bischoff die stz vber vil stet regirn/ nit Christlich
Bischoff nach Göttlicher ordnung sint/ sonder aus teuffe-
licher ordnung vnd menschen freuel/ Sint ouch gewiße-
lich des teuffels botten vnd stathalter.

B.ii. Wie mag eyn reycher frawem Kremer seyn yhn
der welt dan ein Bischoff/ Ein Kauffman hat wurtz vñ
thuch feil/ die Bischoff müssen hurenfleisch feylhaben.

B.iii. Sie sint durch Gotes tzorn aller sym/witz vñ
vernunft beroubt/ das Sew/ Dchffen vnd Esel cluger
dann sie sint/ dennocht sint sie geistlich regenten/ das heist
die welt straffen mit narren/ vnd Kindern.

D.i. Es sint doch laruen vnd bleyben laruen.

Am letzten bletlein.

Got straffe die mörder/ vnd tzind ir stat an zc.

Aus dem buchlin wider den konig von

Engelland.

Am letzten bletlein.

Es hat sich erfunden durch helle schrift von Gots ge-
naden/ Das Papstumb/ Bischumb/ Stiffte/ Clöster/
Wöheschulen/ mit aller Pfafferey/ Moncherey/ Nonne-
rey/ Messen/ Gotsdinsten/ eytel Secten des tewffels seyn.
Volget

Dan dis volck stehet alles dar auff/ das es mit werckē
will vor Got handeln/ vnd nit mit dem blossen glosen.

D.i. Das Papstumb ist des obersten tewffels gift-
tigster grewel der auff erden kommen ist.

Aus dem buchlin/ was ein Christlich

gemeyn macht hab.

B.ii. Die Bischoff/ Ept/ vnd die andern Prelaten/
sitzen an des tewffels stat/ vnd sint wolff die das Lwan-
gelson nit leren noch leyden wollen. Volget.

Esel solten sie treyben vnd hund leyten.

Am letzten bletlein. Tyrannen sint es vnd bubē/ die

C ij

mit vns handeln als des teuffels Aposteln.

Aus dem buchlin/das Jesus Christus ein geborner Jud sey.

A.ij. Dann vnser narren die Ppft/Bischoff/Sophisten/vnd Nonche die groben eselskopffe/haben bisher also mit den Judē gefaren/das/wer ein guter Christ wer gewesen/heth wol ein Jud werden mögen.

Aus dem buchlin von den gelubden.

In der vorred. Biß das ich aus der schrift erfunden hab (sagt Luter) das der Ppft sey der Entchrist/die Bischoff seyne Apostel/vnd die Hohenschule seyne huerhewser.

Aus dem buchlin wider des Babst

Leons Bulla.

In diesem buchlin thut Luter den Ppft/Cardinel vnd das gantze Rom yn Bann/verflucht vnd vermaledeyt sie wie er yn seym cōment vber den Psalter ouch gethan hat.

Aus dem buchlin an Johan vñ Schleywitz wider den Ppft Adrianum.

Aber bey mir ist soliche Ppftliche vnd Bischoffliche redlichkeit nicht zit sonderlichs/dan der Ppft ist ein Magister noster/von Louen/yn d selben hohenschul kront man solich Eszel/da ist meyster Adrian ouch gekront.

Aus dem Sermon am narwen iars tag.

A.ij. Der Ppft sitzt an Christus stat yn der kirchē vnd leuchtet wie ein dreck yn der Laternen/Er mit sein Bischoffen/Pfaffen/Nonchen/die sint es/die vns die sonne verfinstert haben/vnd das volck auff götzen vnd butzen wercke gefurt als Messß stifften/Vigilien/Altar/Belch/Capellen/Glocken vnd des geuckels werck mher.

Aus dem Sermon von dem reychen man vnd armen Lazaro.

Vigilie vnd Messen helffen wol den Pfaffen Nonchen vnd Nonneu die bewch füllen/aber den selen ist nichts damit geholffen.

Aus dem Sermon/am vierden Sontag nach Ostern.

B.ijij. Wenn wir nu itz ansehē vnsern Geistliche städ Ppft Bischoff/Pfaffen vñ Nonch/so sehen wir nichts dan eyttel fasnacht laruen/die sich mit eusserliche geberd stellen/als weren sie from/vnd sint buben yn hertzen.

Aus dem buchlin von der beycht an den vñ Seckingen.

G. am letzten bletlin. Der Ppft hat aller welt gelt/gut vnd Ehr beroubet. Volget.

Es ist d recht ertz/hempt Entchrist/Wölchē ob got will vnser Herr Christus gar schr yn abgrund der hellen stossen wirft.

Der gleychen hat Luter ouch yn seyner Babylontschē gefencknis/assertion/resolution/Item dem buchlin vñ Ambrosii Catharinii/vnd andern schier an allen blettern Ppft Ppftumb/Bischoff/Bistum/Stift/Closter/vnd alle geistlicheit vom Obersten bis auff den Nidersten auffß allergifftigst angegeben/geschmecht vnd gelestert/damit er eyn solchen gram vñ haßß des gemeynen volcks gegen irn Geistlichen veteren vnd selbsorgern/erweckt/das sie ir leer vnd predigt nit mher hörē wollen/so sie doch den Luterischen predigern etwan drey meyl wegs nach geloffen/vnd wo sie sust ein Monch oder Pfaffen auff der gassen gesehen mit quat vnd steynen an sie geworffen vnd als die wolff angeschrien/Zu letzt ouch ire heroser/Stift/C

Kirchen/vnd Clöster gesturmet/geblindert/vnnd sie ge-
schlagen/gefangen/verwüßt vnd ins elend vertriben haben
Das ye vorhin vnd ehe dann Luther das spil angefangen
yn Teuwschen landen nye erhört noch erfarn worden.

Die Vierde beweyfung.

Wie Luther auch sonderlich die weltlichen Oberkeyt
als/Keyser König vnd Fursten angegriffen/inuriert/vnd
crimen lese Malestatls comittirt vnd verwurket hat

**Aus dem Buchlin vñ beyder gestalt des sa-
craments zu nehmen**

A.ij. Des Papssts knecht die weltlich gewalt/hat
sich nu auch in die sach gemenget/das ich vngern gesehe.

Volget. Seyntemal wir den wütigen herm geschla-
gen vnd veracht habē/müssen wir vns la nicht vor seynem
vngnedigen knecht forchten.

Christus hats ym synn/er woll sich nicht dafur forch-
te dz etzlich tzornige Papsstknecht/leyb vnd gut dran set-
zen wollen.

Aber es mußt freyllich bleyben/wie es von anbegyn ge-
west ist/das keyn stand so vil narren hab/als die grossen
stand/wie das Ertelische sprichwort lawth/Es solle
ner ein Furst oder narr geboren werden

Aus dem buchlin wider den König

von Engelland.

B.i. Noch weyter sag ich/Leyd ist's mir/das ich
mich zu Worms vordem Keyser/so weyt vnderliesz/dz
ich wolt richter leyden vbermeyn leer/dann ich solt nit so
lich herrisch demut haben furgewandt/dieweyl ichs ge-
wiß war/vnd vor den Tyrannen doch nit halff.

F. am letzten bletlin.

Sie sint recht zu samen Papsst vnd Besetz von Engelo

land/Thener hat seyn Papsstumb wol so mit guten ge-
wissen als dyser seyn Königrych er erbet/drüb lucket einer
den andern/wie die Maulsel sich vnder einander lucken.

Die andern iniurten wider den genannten Durchlauchte
König von Engelland vnd ander Fursten vnd Herrn/will
ich dem leser desselben buchlins beuelhen vnd ermessen las-
sen/ob Lutern solchs getzympt hab ader nit.

Aus dem buchlin wider die verkerer des

Keyserlichen Mandats.

B.i. Wol anes haben ye die Fursten vnd Bischoff/
weder Keyserlich noch Fürstlich noch Christlich gehan-
delt/die solich Gestlich personen/so sich heryn verwurket
tyrannisch gefangen haben.

Volget.
Wo ist auch nu das güttlich vnd bescheidlich weysen d
Fursten vnd Tyrannen/die ir weltlichen vnderthanen fluc
vnuerhört gefangen/geschätzt/verlagt/vnd alle plag an
gelegt haben

Aus dem buchlin vñ d'weltliche Oberkeyt.

A.ij. Dañ der almechtig Got vnser Fursten thol ge-
macht hat/das sie meynen sie mögen thon vnd gebetten
iren vnderthanen was sie nür wollen.

Volget
Sie schreyben vnd lassen tzedel außgehen/der Keyser
habs geborten vnd wollen Christlich gehorsam Fursten
seyn/gerad als wer es yr ernst/vnd man den schalck hind
iren oren nit merckte.

Volget.
Solich lewt hlesz man vortzeytē huben/ltz muß man
sie Christliche gehorsame Fursten heysen.

A.ij. Hab ich iren götzen den Papsst nith [geforcht/
muß ich mich auch sehen lassen/das ich seyne schuppē vñ
wasserblasen nicht forchte.

Volget.
Got geb das jezornen müssen/bis die grawen rōck
vergehen/vnd helf vns das wir vñ ire drawē la nit sterbz.

D.i. Auff das vnser Furstē vñ Biſchoff sehē was sie für narren sint / wan sie leyt mit iren gesetz zwingē wol-
len / süß oder so zugewoben.

D.iiij. Die weltlichen Herrn solten land vnd leyt re-
girn eufferlich / so konden sie nit inder dann schinden vñ
schaben / do ein beern / hie ein wolff ausslassen.

Volget.

Dartzu keyn recht / trew noch warheit lassen bey ynen
funden werden / vñ handeln das reubern vñ buben tzu
vil wer.

L.i. Du solt wissen das von anbegyn der welt / gar
ein seltsam vogel ist / vñ ein clugen Furstē / Sie sint ge-
meynlich die grosten narre / od die ergiste bubē auff erde.

Volget.

Dañ es sint Gotes Stockmeister vñ henger / vñ sein
gotlicher tzorn gebraucht sie zu straff der bösen / Es ist ein
grosser Herr vnser Got / darumb muß er ouch solliche ede-
le / hochgeborne / reiche henger vñ bottel haben.

L.iiij. Gar wenig Furstē sint die man nit für narren
oder buben helt.

An dem selbigen bletlin.

Das sint vnser Christliche Furstē die den glauben ver-
tedingen / vñ den turcken freffen wollen / Ja freylich feyne
gesellen.

**Aus den briue so Luter auff die tzuwey Key-
serlichen Madat fornen vñ hinden angeschmirt / vñ schme-
lich glosirt hat.**

L.i. Schentlich lawts das Keyser vñ Furstē offent-
lich mit lugin vmbgehen.

L.iiij. Wie siehest du wie der arme sterbliche Maden-
sack der Keyser sich vnuerschempt rhumet / er sey der wate
oberste beschirmer des Christlichen glaubens.

Volget.

Und solliche crafft soll sich beschirmen lassen / von ein-
Kind des tods den ouch ein grynd oder blatter kan tzu bet-
te werffen.

Was nu der gemeyn man gutes inhemē soll aus solli-
cher grewlicher lesterung / maledeyung vñ verletzung der
Majestet vñ Oberkeyt. Deren wie die heiligen Aposteln
vns gelert haben / ein yeglich seel vnderworffen seyn vñ sie
Ehren soll / gib ich dem leser zuermessen.

Die Fünfte beweysung.

Wie Luter ouch mit außgedruckten worten tzur auff-
tur getzenc vñ hader geratten beyde Oberkeytten die
Geistlich vñ die weltlich gerotzet / gebochet / vñ mit dem
gemeynen bösel (den er ouch vleysig dartzu gereytzt) be-
draxet hat.

Aus de buchlin des titel ist / auff des bocks

zu Leyptz antwort.

G.iiij. Dziel yn Gotes namē angefangen / vñ meyn
leer das rechte wort Gotes sey / Dabich keyn stercker be-
weysung / Dañ dz sie so geschwind yn alle welt vermbert
worden / vñ vneynekeit anricht / vñ wan sie das nit thet /
wer ich langst vertzagt vñ mat wordē. Volget.

Dann das solich werck vñ rumor eygentlich arth sey
des Götlichen wortes betzet get Psalm. 147. vñ Mathe-
us / ir solt nit whenen das ich bin kōmen frid zu senden. 2c.

Volget weyter.

So dann meyn leer / solichs wurcket in der welt / wie d
veynd selbs bekent / wie möcht mir bas geseyn.

Ad idem exactis Romatis.

Mihi (inquit) plane omnium iucundissima facies hac in
re est / videre ob verbū dei studia 2 dissensiones fieri.
Longe aut̄ aliter Paulus. Deus (inquit noster) nō est

D

deus dissensionis sed pacis. Et iterum / Omnes solus sum sapientis nec sunt inter vos schismata.

Aus seynem widerspruch von tzuweyerley Priesterthumb.

A. liij. Wo sie nit recht / wollē / wir custos virgā mit ynen machen vnd sie mores leren / da grawst yhn vor / den tzarten tyrannen.

A. v. Sie sollen ouch noch widergeben on im danck / dennamen clerus / da soll mir Got tzu helfen.

Aus dem buchlin von den Ecksche bullen.

A. liij. Ich sage das der Adel solt mit dem schwert drey schlahen.

In dem buchlin mit Syluestri Pueratē.

In diesem buchlin ermanet Enter den Adel abermaln / dz sie die hend yn der Geistliche blut waschē sollē / wölichs er in dem buchlin / Auff dz vberchristlich zc. D. am letzten bletlin also dewtet er hab es per contentionem geschriben / dan wo der Paps die Ketzler verbrennē woll / sey es billich dz man yn mit all seyn sectē auffs aller schetlichst erwurde

Aus dem buchlin von beyder gestalt des sacraments zunehmen.

A am letzten bletlin.
Darumb sint wir schuldig den hals druber zu wagē / vnd solliche freyheit nit zuuerlassen.

Volget.

Es soll dem gewissen bedes frey seyn / suft oder so in dysem handel zuthun / vnd die freyheit vnuerfert bleyben / des vnd keyn anders / da soll vns Christus tzu helfen.

B. i. Die so das sacrament vnder beyder gestalt empfangen haben / sollen das leben ehe lassen / ehe sie das wy derruffen / vnangesehen was da wyder setzt / Paps / Keyser / Furst / vnd teuffel dartzu.

B. ij. Es ist zu Turnberg aus dem regiment ausgegangen / das man die sach von beyden gestalten auffschleiben soll auff ein zukunfftig Conall / Dan die clugen Herren / wollen es nit verdammen / ouch yn des nit zu lassen.

Volget. Diuweyl dann vnser Herr Christus / seyne veynd die grossen hansen / beyde Geystlich vnd Wellich zu narren macht offentlich yn dyser sachen / das sie so kindisch vnd schimpfflich damit faren / dz yn freylich Claus Narr mans gnug wer tzu antworten / sollen wir getrost seyn / vnd ir toben vnd nartheit verachten.

C. i. Wider die Tyrannen vnd ire gesetz soll der gloub freyten vnd solliche alte vnutze fasz yn eyn hauffen stossen.

Volget.

Dann solliche Tyrannen mus man scharff vn hart antastan / vnd ir gesetz mit fiesse tretten / das die Christliche freyheit gantz bleyb.

Aus dem buchlin vō auffruer und empörung zuorhuten.

A. ij. Drumb ist billich vnd gefelt mir wol das solliche plag ansehēt in den papisten / Es soll schir noch bas beyssen.

Volget.

Vnd wann ich tzeihen leyb hett / vnd möcht bey Got so vil das er sie mit diesem fuchs schwantz des leypliche todes oder auffruer casteyete / wolt ich sie all darstrecken.

A. liij. Die lugner die verstocktē tyrannē magstu wol hart antastan.

Volget.

Sihe also mustu die hund vmd Sew anderst handeln dann die schaff / den Wolffē kantsunt tzu hart seyn.

Volget. Wir müssen vns itzo halden / als werē wir vnder den heyden / Weyl wir vnder den Papisten leben / Ja sie sint wol sibenfeltige heyden.

B. ij. Ich hab mich ouch noch nye lassen bewegt /

Huffreisch
Denen zu weren/die mit der hand vnd siegel drawen.

Volget.

Sint doch vor wolmber Pfaffen ane rumor vnd en-
pöng erschlagen worden.

Aus dem buchlin/wider den Falschge/ nanten geystlichen stande.

A.ij. Derhalben las ich euch hiemit wissen/das ich
hinfurt nit mher euch die Ehrthon will/das ich mich vn-
derlassen wol/euch od ouch ein Engel vō hymel yber mein
leer zurichten oder zumerhoren/denn der herrischen demut
ist gnug geschehen/nu das drit mall zu Worms vñ doch
nichts geholffen.

Volget.

Enlich sey das der beschlus. Leb ich szo solt ir vor mir
frey frid haben. Tödtet ir mich solt ir tzeihen mal weniger
frid haben/vñ will euch seyn/Wie Oseas sagt/ein Meer
am wege/vnd ein Law auff der gassen/bis das ewer ey-
sern stym/vnd ehren hals entweder mit gnaden/oder vn-
gnaden gebrochen werden.

A.iii. Was sie aber nith hören wollen Gottes wort
(id est Luters Euangelion) was begegert ynen billicher/
dann ein starcke auffrur/die sie von der welt außrotte/vñ
des wer mi zu lachen/wa das geschehe.

L.iii. Nu horet zu ir Bischoffs/ia tewffels laruen/
D Luter will euch ouch ein Bulla vñ Reformation/lesen
dye euch nit wol lawten wirt.

D. Luter Bull vnd Reformation.

Alle die da zuthon leyb/gut/vnd Ehr dran setzen/das
die Bistumb verstört/vnd der Bischoff regiment vertilckt
werd/das sint liebe Gotes kinder/vnd rechte Christen.

Volget.

Widerumb alle die da halten yber der Bischoff regle-
ment vnd sint yn ynderthan mit willigem gehorsam/die

sint des tewffels eygen diener/vnd stréytē wyder Gotes ord-
nung vnd gesetzze.

G.i. Ob ich aber den vngelerten laruen nit gnug thue
das ich die Pfaffen/Monch vnd Nonnen loß mache/die
Clöster vnd stift verderbe/da ligt mir nichtzit an.

G.ij. Ir seyt doch nit mher/dann heffige/heffliche
feyndselige laruen/wölich fuer vntreglichen burden/tyran-
neyen/vntugenden schanden vnd laster/die welt nymmer
kan noch wil tragen.

Aus dē buchlin/was ein Christlich gemein macht hab.

A.ij. Daran sehen wir wie die Tyrannen so vnchrist-
lich mit vns gefaren/das sie vns solich recht genomē vnd
ynē selbst zugeeyget habē/damit sie allein reychlich verdint
haben/das man sie aus der Christenheit vertreyb vñ ver-
lage/als die wolff/die vnd mord/die wid Gotes wort
vnd willen yber vns herschen vnd regirn.

A.ij. Ein Christlich gemeyn hat nit alleyn recht vnd
macht sonder ist schuldig bey der selen selkeit/irer pflicht
nach/die sie Christo ym towff gethan hat/tzu meyden/
zu fliehen/abtzusetzen/vnd sich zuentziehen/vō der Ober-
keit/so die Bischoff/Epte/Clöster/Stift/vnd irs gley-
chen treyben.

Aus dem trostbrieff an die von Biltberg.

Sie sollen den Luter/die Luterischen leer vnd lewt las-
sen bleyben vnd zu Ehren kömen/Wyderumb sie vnd ir leer
vndergehen/vnd zuschanden werden/obs auch aller welt
leid wer.

Aus dē buchlin daryn Luter die zwey Key- serliche Mandat glosirt (ich solt sage verschumpirt) hat.

A.i. Dise zwey Keyserliche Mandat/hab ich lassen

druckens aus grossen mitleyden vber vns armen tewtschen.
Volget.

Dann es darff keyns sehens nit / Sew und Esel Ponde
wol sehen / wie blind vnd verstockt sie handeln.

A.ij. Got hat mir wie ich sehe nit mit vernunfftigen
leuten tzuschaffen geben / Sonder tewtsche bestien sollen
mich tödten / gerad als wenn mich wolff vnd Sew tzur
rissen.
Volget.

Doch rat ich yederman der da glewbt das ein Got sey
das er sich solichs gebot enthalte.
Volget.

Und wenn sie mich nu tödten / sollen sie ein tödten thon /
das weder sie noch ire Kinder vberwinden sollen.

Et infra. Got hat sie verblindet vnd verstocket.

Et.ij. Am end bit ich alle liben Christen wollen helf
fen Got bitten / fur soliche elende verblente Furste / mit wöl
chen vns an tzweyuel Got geplagt hat.
Volget.

Das wir la nicht volgen / wider die Turcken zu tziehen /
ader zugebē / Seyntemal der Turck / tziehen mal cläger vñ
frommer ist / dann vnser Fursten sint.
Volget.

Was solt solichen narren wider die turckē gelingen / die
Got so hoch versuchen vnd lestem.
Volget endlich.

Solchs clag ich aus hertzen grund allen frömen Chri
sten / das sie sich mit mir vber soliche / thorichte / vnynu
ge / rasende / wansynlige narren erbarmen.

Aus dem buchlin an die Pawerschafft vn
Schwaben von der xij. Artikel so sie gestalt haben.

A.ij. Orfflich mögen wir nyemant auff erden dan
cken solichs vnrats vnd auffrurs denn euch Furste vñ Her
ren / sondlich euch blindē Bischoffen / Pfaffen vñ Wöche.
Volget.

Ir rüget darnach vnd wolt auff die köpff geschlagen

keyn.

Volget weyter.

Dann das solt ir wissen Liben Herren / Goth schaffts
also / das man nit kan / noch will / noch soll / ewer wütere
die lang dulde / ir müst anders werden.
Volget.

Thut irs nit durch gütlich freütlich weyse / so müst irs
thon durch geweltige vnd verderbliche vñweyße. Thuns
dyße Pawern nit / so müssens ander thon / Vnd ob ir sie all
schlagt / so sint sie noch vngeblagen / Goth wirt ander
erwecken.

Aus disen obertzelten stellen (dergleychen ich vmb Eur
tze willen noch vil in der feder behalten hab) kan freylich
ein itzlicher biderman wol erkennen / das nit die Papisten /
Sond Luter selber gelogē hat / dz er sie luginstrafft / vñ
spricht / er hab dise auffrur nit erweckt / noch vsach darzu
gegebē / Wie das d vñuerschampte Monch ouch in seyn
hals hūeynleugt do er andie Pawerschafft in Schwabē
schreybt. A.ij. also sprechēde / Ir vnd yederman müß mir
tzeugnis gebē / dz ich mit aller still gelert hab / wider auff
rur gestritē / vñ zu gehorsam vñ Ehr / ouch ewer tyrani
schē oberkeit / die vñdhanē mit höchstē vleys gehalten vñ
vermanet hab. Das heyst dz die oberkeit ehre / od ire vñ
dhanē zu frid vñ gehorsam ermanen / So mus freyllich d
nawe Prophet yendert ein nawe grāmatick erticht habē /
wölche die Pawern nit verstandē / sust hettē sie sich wider
ir herschafft dermassen nit auffgeleit / noch solliche schadē
gethā / Vñ müß Luter eintred hiellegē / da er sich rhu
met / er hab yn aller still gelert / od zuuor gelogē habē / do
er wid Syluestrū / mich / vñ and schreybt vñ sich frowet
dz sein leer getzenc vñ auffrur mache / vñ spricht wie soli
chs eigetlich die art sey des wort Gotes / namlich rumor
vñ auffrur zustiffē / vñ dz er keyn sterck er beweynung hab
dz sein leer aus Got vñ dz rechte wort Gotes sey / das dz
sie hader vñ vñeynigkeit anrichto / Wie oben berurt ist.

Derhalben so wirt Luter als ein Falscher Prophet al-
lenthalben auff der lugin ergriffen/ vnd keyn solicher leste-
rer vnd lugner yn der gantzen Bibel gefunden/ Dañ ouch
Chore/ Dathan vnd Abyron ire obersten regenten Moy-
sen vnd Aaron so vermessen/ nit angetast/ sonder alleyn zu
ynen gesagt/ Last euch benügen/ das die gantze mensg hey-
lig ist/ Warumb wolt ir euch vber das volck Gotes erhe-
ben? Numeri xvi. Was ist mir aber das gegen den grew-
lichen schmebungen vnd iniurten/ damit Luter Papst/
Bischoff/ Keyser/ König vnd Fursten/ veracht/ verletzt/
verflucht vnd vermaledeyet hats? alles wid die recht Euän-
gelisch vnd Apostolische leer/ vñ wider Got selber d durch
Moysen gesprochen hat/ Den Furstendeynes volckes sol-
t nit schenden noch lestem Exodi xxiij. et Actorū xiiij. Ja
es sagt Christus in seym Euāgelio/ Mer onch seyn nech-
sten (ich schweyge seyn obersten) ein narren heysz der sey
schuldig des heilichen fewers/ Wie kan dan Luthers leer
aus Got seyn/ wie er sich allenthalbē rhumet?

Item wie solt der gemeyn man (vor dem sich Luter
selbst fur ein Propheten vnd Ewangelistē angegeben) aus
solichen auffrurischen vnd rumorischē schriffte nit geergert
oder zu emporung vnd verachtūg irer herrschafft/ bewegt
werden? Oder wie solten sie der weltlichen oberkeit trew
vnd eid halten/ So sie von Lutern gehört/ das ouch die
Geistlichen das zuhalten nit schuldig/ das sie Got gelobet
vnd geschworn haben?

Vnd was ist's wunders/ das er solichē arme einfeltige
lewte mit seynen listigen worten betrogen hat/ diweyl sich
ouch etzliche grosse Hansen vnd Bischoff dahin redē las-
sen/ das sie wider yr eyd vnd pflicht weyber genōmen/ vnd
aus Geistlichē Weltliche Furste wordē sint? Wie er kurtz
verschiner tzeyt ouch etzliche ander mechtige Bischoff er-
manet/ vnd ynen geraten hat/ dissem exempel nach zuhol-

gen/ aus iren Bistumben/ Furstenthumb zu machen vnd
sich zuuerhlichen/ damit er (so mit der tzeyt ein Concill
versamelt) nit alleyn gericht vnd verdammet werd. Ja er
thut den Bischoffen wie der Teyffel Christo/ do er yho
auff ein berg furet/ alle Königreych weyset/ vnd yne mit
weltlicher Ehr versuchet/ Dañ also versucht sie Luter
itz ouch mit weltlicher Ehr/ ob er sie doch yndert tzum
fall/ vnd die geistlichkeit gar vmbbringē vnd auszrodē mö-
cht/ Wie er sich an ein ort rhumet/ d Geistlich stād hab
berelt hell gesungen/ werde schir expirant dartzu singen/
Daraus gut zuuermercken das Luter nit begert die Geist-
lichkeit tzu reformiren vnd die ding zubessern/ sonder gar zu
tilcken/ damit keyn geistlicher noch keyn Gotesdienst mher
auff erden bleyb.

Ich hoff aber dz der Teyffelsche Wöch vorhin selbs
expirirt vnd daruber sturtzen soll/ ehe er dz zu wegen bring
Wie ouch Frätz vō Seckingen vñ der vō Lutē/ die sich d
sach wol so heysz angenōme als Luter/ daruber gesturtzt
haben/ Dañ diweyl der Geistlich stand von Got eynge-
setzt (wie oben bewert ist) wirt yn keyn mensch tilcken mö-
gen. Aber zu reformiren vñ zu bessern/ wer lang hohe tzeyt
gewesen.

Vnd dz seymeyn antwurt auff den orsten teil dis buch
lins/ darynsch meyns verhoffens vberflüssig beweyst hab
Wie Luter die Oberkeit geschendet/ gelestert/ vñ den pō-
fel tzur auffrur erweckt hat/ Vnd das Got vns tewtschen
darumb das wir solichs dulden vnd so lang durch die fin-
ger gesehen haben/ itzo so hart straffet/ vnd als zubeso-
rg noch harter straffen wirt. Dann wo der Keyser vnd d
loblich Buntt yn Schwaben/ dz nit fürkōmen/ soll man
kurtzlich wolerfahren/ wie wir tewtschen / vmb des ver-
lognen vnd verleugnetē Nonchs willen einander noch soll

auff arbeyten vnd yn grund verderbē sollē/ Wölches Got
gnediglich vorhuten woll.

Das ander teyl dis buchlin vnder heyligen Stillmeß.

Die Ander ursach/ Warumb Got vns Tewtschen/ So
schwerlich strafft/ vnd mit sollichem irthūb vñ blintheit ge
schlagen hat/ Ist ane allen zweyuel/ die trewloße/ mut
willig/ vnd leychtfertige abfallung/ von vnserm altē Chri
stlichen glauben/ von dem dinst vnd Ehr/ Gotes vnd sey
ner heyligen/ vñ sonderlich von dem ampt der heilige Mess
se/ In wölcher die grōste heymlichkeit vnser gloubensnam
lich der tzarte fronleychnam vnd das blut Christi tzu ste
ter gedechtnis/ lob/ Ehr/ vnd danck sagung seyner bitter
leydens auff dem Altar gehandelt/ vnd das opffer/ dz ein
mal am crentz fur vns gestorben/ vnd widerumb lebēdig
worden/ teglich widerumb vernawet vnd geopffert wirt/
wie wir dan̄ ouch teglich widerumb sundigen/ vnd seyn
teglich notturfflig sint.

Das aber wir Tewtschen vnd sonderlich die Luterische
sect/ von dñsem vnserm alten glauben/ so von den Aposteln
bis auff vns herkommen schentlich abgefallen/ alle Cerimo
nien vnd Gots dinstē / In sonderheit die heilige Messz ver
acht/ tzurstuckt/ vnd den alten brauch der Christliche kir
chen gar abgethan/ vnd verendert haben/ darff keyner be
weysung/ sonder beweyst sich selber/ Wan̄ man alleyn an
sicht/ ire kirchen vnd Gotes heußer/ wie vnehrlich / wye
schind vñ oed sie stehē / Wie die Altarien zurbrochē / Die
crucifix vnd heiligen bñlder tzerhawen/ vñ aller geschmuck
hinweg genōmen/ also das es ouch ym Theyn zu Prag vil
Christlicher/ dan̄ bey den Luterischen gehalten wirt.

Wölches abfals/ wir abermal nyemāt die schuld ge
ben können oder mögē/ dan̄ Luten mit seyner geschaffte

Carolstat/ Zwingeln vnd andern/ die mit iren giftigen vñ
vnchristlichen schriften/ leeren/ vnd predigte/ mit alleyn die
heiligen Messz/ sonder ouch das hochwirdig Sacramēt
yn ein solichen contempt vnd verachtung gebracht/ das d
gemeyn pōfel die heyligen Messz nit m̄her fur ein opffer od
ein gut werck (wie es ane tzuweyuel ist) sonder fur teuffels
werck vnd abgötterey halten/ dz hochwirdig Sacramēt
mit iren vnstetigen henden/ mit alleyn yn iren sundigen rñssel/
sonder ouch in die taschen stossen/ sich damit spilen tragen
vnd aus dem kelch trincken/ das ynen die backen triffen/
dartzu an etzlichen orten gantze fuß consecrirt/ vnd sich
sticken vnd wickē soll daruber sawffen/ mit andern vnchrist
lichen weysen vnd geberden so noch nye erhört worden.

Solt aber der Alnechtige Gotz/ vber solicher vnehr/
schmach vnd lesterung seyner heyligen kirchen/ vnd seyner sey
genflesch vnd blutes damit er vns erkauft hat/ nit billich
ertzornen/ vnd alle plagen vber vns Tewtscheu kōmen las
sen/ Darumb das wir soliche lesterer bey vns dulden vnd
sie nit straffen/ sonder ye gotslesterlicheredding sie schreybē
vnd surgeben/ ye lieber wir das hören/ vnd annehmen/ vol
gen der ligin/ vnd verlassen die alte Christliche warheit/
Darumb vns dan̄ Got in so crefftig irthumb fallen last/
wie vns Paulus gedrawet hat. ij. Thessa. ij.

Nu hab ich die heyligen Stillmeß vorhin wider Zwim
geln/ vnd darnach ouch wider die zwen Pfarrer zu Nuren
berg Got lob bestendiglich erhalten/ vnd mit gutem grūd
Göttlicher schrift erweyßt/ das die Messz ein opffer sey/
darynnen orstlich nach der ordnūg Melchisedech weyn vñ
broth auff den altar geopffert/ vnd darnach yhn dz recht
vnd ewig opffer/ das ist in das fleysch vnd blut Christi (dz
wye er eyn ewiger priester / also ist ouch seyn opffer eyn
ewig opffer Heb. vi. 7 Psalm. cix.) consecrirt vnd verwan

Welt werd. Wölches ich mit der schrift/ mit den Decreten
der heiligen Aposteln/ vnd aller Christlichē lere/ demas
sen beuhestiget/ das mir die zwen pfarrer zu Nureberg/
wie sehr sie im anfang / gebocht / vnd vns aus geheyschen
noch auff den heutigen tag / Keyn antwort geben können/
vñ Zwengel in seynem gegewurff / auch nichtzit daß schelt
wort vnd lügen an mich geworffen hat. Wie daß der Ke
tzer sitt ist / Was sie mit der schrift vberwunden / vnd wey
ter nit konden / das sie die lewt schelten vnd lestern.

Wiewol ich mir schelten vnd lügen vmb Gotes vnd d
warheit willen für meyn person wol ertragen kan. Noch
dann damit ander lewt nit an mir geergert / oder die sach
meyner person entgeltē miß. So sag ich frey vñ öffentlich
Wiewol ich ein mensch wie ein and mensch vñ vor Got ein
armer sinder / Bin / Ich doch Got lob / all meyn tag vmb
Keyner buretrey noch ehebrechery willē vor Keyne Gessli
chen noch weltlichē Nichterneye fürgenomē noch beclagt /
vil weniger vordampt od des lades vorweyßt wordē / wie
mir der fleischboßwicht Zwengel verretterlich / mit seyn
lügen maul auffgelegt / vnd von mir geschriben hat.

Was ist dann für ein büberey vnd schalckstuck / das
sich die buben allrhuman / wie sie mit der schrift fechten /
vnd wann man sie mit der schrift vberwindet / nichtzit Kö
nen daß fluchen / schelten / lestern / vnd mit offenbaren lügen
vmbgehen. Wie Luter tzo yn seynem greuel wider die he
iligen Stillness auch nichtzit nawes eynbringt / das ich
dem Zwengel oder den Nurebergischen Pfaffen / vor
hin nit verantwort het / außgenommen seyn gotslester
lich schelten vnd legen / das er aus angebomer boßbeyt
vnd aus Keynem grund der schrift thut. Danner yndem
gätzen buchlin koun tzu oder drey stell aus der schrift
fürbringt / auff die ich yn antworten / vnd dz ander lester

ich vnd mutz geschwetz / faren lassen woll.

Aber von aller orsten müssen wir acht geben / auff Lu
ters falschen grund den er im anfang leget. Namlich das
Keyn sund / Keyn tod / Keyn hell oder tewffel noch böß ge
wissen mher / sonder von Christo vnd seynem opffer alles
vorschlunden sey / derhalben auch Keyn opffer noch guth
werck mher für die sund geschehen soll oder mög / Vnd al
so auch die Messß Keyn opffer noch gut werck seyn mög /
Wie dann seyne wort antzeygen also laotende.

¶ Luter.

Aber tzum orsten will ich ein itzlichen des grundes er
ynnern zc.

Volget.

So hastu nu ym Euangelio gehört vnd gelernet / das
vnser sache von sunden / tod / teuffel vnd bösen gewissen er
reth zu werden / vnd zu rechtschaffener fromkeit vor Got
vnd ewigen leben / yn Keyne weg tzu ratten oder tzu helfen
sey / mit werck annoch gesetzen / wie sie ymer seyn vñ genat
werden können.

Volget weyter.

Das ist / sag ich / vnser Euangelion / das vns Christus
from vnd heylig gemacht hat / durch das opffer / das er
am creutz thon hat / vnd erlost von sunden / tod / teuffel vñ
yn seyn hymelreich gesetzt hat. Das haben wir so oft ge
predigt das ydermā wol wissen vnd daraus schliessen kan
das alle vnser werck so darumb fürgenommen werde / dye
sund zu büßen vnd dem tod zu entlauffen / alle lesterlich sein
müssen / Got verleucken / vnd schenden das opffer / dz Chri
stus gethan hat. Et iterū. Dann das will Got hertz
vmb haben vnd kein anders / das nyemant für yn komme
on das vnschuldig blut alleyn / vnd wer etwas anders für
nympt / es seyn werck / orden / ader stand / der soll des teuf
fels seyn.

¶ Luter.

Womit beweyst aber Luter disen seynen grund / oder
wo stehet das geschriben Er spricht das ist / sag ich / yn
ser Euangelion / Ja freylich ist es Luters Euangelion / dz
er so oft gepredigt vnd dem einfeltigen felsechlich eyngeloge

hat. Es ist aber nit das Euangelion Christi/das uns zu-
vor vnd ehe dann wir yn das hymelreych gesetzt werden
zu Penitents vnd buß ermanet Mathel. iij. Thuet bus daß
das reych der hymel nahe hertz zu/ Dergleychen ermanet
er uns auch zu fasten/beten/wachen/ alenusen vnd allen
guten wercken/ vnd sonderlich zu halten seyne gesetz vnd ge-
botte Mathel. xix. Wiltu eynghehen in das ewig leben/so
halte die gebot.

Vnd wiewol Christus die kirchenein hymelreych nennet/
dareyn wir durch die touff vnd glosen gesetzt seyn.
So sagt er doch auch daneben/dz dis hymelreych gleych
sey eynem netze/daryn gut vnd böse fisch befunden werden
Mathel. xiiii. Durch wölche parabel er uns zu verstehen
gibt/wiewol wir die orsten rechtfertigung von ym haben
vnd er uns durch die touff from vnd heilig gemacht hat/
das wir darnocht nit all from bleyben/sonder gleych wol
sündigen/sterben/vnd zum teuffel faren können/Wie er
daß sagt zu denē die nichtzit gutes gethō hettē. Gehet hin
ir vermaledeytē yn das ewig sewer das da bereit ist/dem
teuffel vnd seyner Engeln. Mathel. xxv.

Aus wölchem volget das Luters grund vnd Euange-
lion/das do sagt das keyn sund / tod / noch teuffel mher
sey/vnd derhalben auch keyn oppfer noch guth werck die
sund zu büßen oder tod vnd teuffel zu entfliehen vonnöthen
sey/falsch vnd erlogen ist. Dañ was gleych die Messz kein
oppfer wer (das sie doch nymer mher erhalten können) so
werendoch noch ander oppfer für die sund/die wir teglich
thon/vorhanden/wolche durch das oppfer am creutz nit
auffgehoben. Als namlich das oppfer/da David vō sagt.
Psalm. i. Ein oppfer ist Got ein berübter geyst / verstehe
vnd seyne sund. Wölches oppfer allzeyt anganhen ist/
vnd so vil gilt/das Got so offft wir vber vnser sund ersuff-
ten/vñ dauō abstehen/der selbigen nit mher will gedenc-
cken/Wie der Prophet sagt Ezechle. xviii.

Ezum Andern volget/das auch erlogen ist/das alleyn

das blut Christi vnd nichtzit anders für Got köme es kein
werck/stand oder ordē. Dañ auch ein itzlich/sewfftz für
vnser sund/vnd all vnser gute werck/als fasten/beten/alen-
usen geben vnd andere/darauff die geistlichen orden son-
derlich gestift (wo sie suß rechtfchaffen seyn) /für Got
kömen/Wie wir des getzeugnis haben. Actoru. x. Do der
Engel zu Cornelio saget/deyn gebet/vnd deyne alenusen
sint auffgestigen für das angesicht Gores. Also lesen wir
auch von Thobias einidē. iij.

Au wollen wir lehren was Luter für schrifft
yn seym gantzen büchlin gebraucht vnd allegirt hab /der
ich yngeferlich drey sind.

Die Drst ist Sant Pauls zu den Hebreern/das Chris-
tus nur ein mal gestorbe/vñ fürthin nit mher sterbe werd.
Derhalben er auch nit mher geopffert werden mög.
Dartzu sag ich noch wie vor wider Zwingeln/vnd d bye
tzwē Pröbst zu Nurenberg/dz ein vnderichid ist /tzwū-
schen dem oppfer das Christus am creutz nacktet vnd bloß
gethan vnd für uns geliden hat/vnd zwuschen dem dz yn
der heyligen messz vber dem altar teglich geschicht/yn ey-
ner heymlichkeit vnder gestalt weyns vnd brots/Nach der
ordnung Melchisedech wie Got geschworn hat. Psalm.
cix. Dañ die ketzer uns ye suß keyn oppfer yn der kirchē an-
tzeigen können/dartzu man brot vnd weyn oppferte (wie
Melchisedech gethan hat) dann das oppfer der heyligen
Messe. Derhalbē do Paulus saget/ Das Christus nit
mher sterbenoch wider geopffert werde/ meynet er d ge-
stalt/wie er vorhin am creutz nacktet vnd bloß mit schan-
den gehangen vnd gestorben ist. Damit vorneynt er aber
nit/das oppfer/des altars/daryn Christus nach seyner
aufferstehung nit mher mit schanden sond mit grosser Ehr
vñ herlichkeit/nit nacktet oder bloß/sond verdacktet/et sub ve-
lamine/Wie Paulus selber dauon redet/vnder der gestalt
weyns vnd brots geopffert wirt. Dañ dieweyl yne uns d

vater gegeben hat. Mögē wir yne dem vater wol wiß schencken vñ opffern / von dem er ane dz nymer gescheyden wirt.

Derhalben es gar ein grob stuck vñ Luter ist das er vns ouch fuerwüßet / wir opffern christū vñ bittē dz yn die Engeln in hymel tragen / so wir yne doch darnach szo bald essen vñ trincken / Dañ durch vnser niessen wirt Christus nit vertzert / vñ steyget darumb nit vom hymel herab / ad fehrt wydder hinauff / dz er yn d Messz gehandelt wirt / Wie der hochuerkerte Theologus selber wol weist / vñ danoch vngetadelt nit lassen kan.

Die ander schrift so Luter hie antzihet / Namlich dz Christus gesprochen / trincket all daraus. Wölchs Luter dahin dewten will das Christus ouch die leyhen vñ alle Christen aus dem kelch hab heissen trinckē Ist ouch falsch vñ erlogen. Das beweyß ich örstlich aus dem / Das Christus dise wort zu nyemant gesprochen hat / dan zu denen die dozimal bey ym geweest / vñ mit ym vber tisch gefessen / deren alleyn zwölff geweest / wye Lucas saget am. xxiij. Ezum andern aus dem / dz die selben ouch alle aus dem kelch getruncken haben / wie Marcus sagt am. xiiij. Et biberūt omnes. Derhalbē wo Christus dise wort namlich trincket all daraus / tzu mher leuten od zu allen Christen gesagt hette / so müste Marcus gelogen haben / d da sagt / vñ sie haben alle getruncken / dieweyl offentlich am tag das nit alle Christen da bey geweest / oder mit getruncken haben / Sond wie Lucas sagt / alleyn die zwelff Aposteln / nit als leyhen / sonder als Priester wie oben im anfang bewert ist.

Die dritte schrift / Namlich do Paulus sagt in futuro / dan ir vnynikeit wirt offenbar werde allen mensche i. Timot. 3. fesschet Luter dz er sie citirt i preterito / vñ sie dewt auff die heilige Messz vñ den gätzen geistliche stand / Wie er dan schir an allen orten sich rhümet / wie es aus sey mit den geistliche / vñ der kirchē regiment / vñ alleyn sein leer vñ ordnung bestehn muß / wañ wir gleych all daruber bersten

soltē / Wölchs alles abermal nicht ist dan pur lügen Da wā Luter gleych nit allein börstē / sond sich ouch gar tzerreyßen / vñ wie Judas mittē. vñ einand spaltē solt / so lawt dise stell wed auff die heilige Messz noch auff die gehorsamē geistlicheit d kirchē Sond auff die vngheorsamē vñ auffrurischen / hoffertigē / stoltzen / trotzen / vñ d eckbarn gotlosen vñ geylenschend vñ lester / wie seyne wort clarlich ausdrucken / vñ d nachuolgende text mitbringet da er also schliesset / Dann gleych wie Jannes vñ Mambres Moysi widstrebē habē / also widstrebē dyse d warheit / Sie werden aber die lenge keyn bestand habē / vñ ir thorheit oder vnynikeit allen menschen offenbar werden.

Dyeweyl dan d heilige Christliche kirchē vñ irer Doctoren leer vñ ordnung / vñ sondlich die heilige Messz nu bey den funfftzehen hundert jaren vornemiglich bestandē / vñ bey den gehorsamē der kirchē noch vnerrucklich stehet / Ist gut zuermessen / dz die obgenatē wort Pauli wed auff vns Papisten noch auff die Messz / sond auff Luter selber lawten / des thorheit vñ vnynikeit / wie er die schrift allenthaltē fesschet / der oberkeit widerstrebē / vñ dem pöfel das Maul mit lügen schmitt / vñ sie zu vngheorsam vñ auffrur erweckt / nu aus diesem meynē buchlin (wañ gleych lust nicht ist wider ine geschriben wer) vor meniglich d ongē od oren hat kundt vñ offenbar wordē / vñ derhalbē keyn langen bestand habē mag. Dañ heist dz nit dem Moysi (dz ist der oberkeit vñ der gantzen kirchen widstrebē) dz erspricht yn seyner formula missand. Vñ wann gleych ein gantz Concilliu tzo verordnete dz man beide gestalt des Sacraments durch aus geben vñ inhemē solt. So wolt er ynen nit zu trotz allein ein gestalt geben vñ inhemē / oder sie beid vnderwegen lassen / So weis ich nit wle man der oberkeit anderst widstrebē oder sie gröber trotzen vñ verachten möcht.

Dz and vnutze geschwetz dz er mit lere vñ blossen worten ane eynschē grūd d schrift aus schuttet / darff keyner

besonndt antwort. Dañ dz er spricht / wir geschweygedes
leydes od opffers Christi im cano / sage in kein dack / rhu
men alleyn vnser opffer / vñ gebē vns selbs die Ehr die allein
Christo gebure / ist nichtzit dañ eyttel pur lugin / dañ wir
alles dz wir yn d Mess thon / mit in vnserm sond in christus
namē vñ an seyner stat thon / wie ich wid die tzen probst
zu Nureberg mit d schrift berweyset / vñ d Canon so bald
im anfang auszdruckt / da wir sage. Wir Littē dich aller
gnedigster vater / mit in od durch vns selb / sonder durch
deyner son vnsem Dem Jesum Christ / mit wölkē wortē
ouch schler alle clauseln im canon beschlossē werden. So
gedenckē wir vñ sage Got lob vñ danc / mit allein vmb sein
bitters leyde / sond ouch vmb sein frölich auffsteyung / vñ
hymelfart / wie der text im canon clarlich mitbringt.

Das wir ouch dz brot vñ weyn / ehe sie gesegnet werdē
ein reyn vnbesleckt vñ heilig opffer nemen / ist nichtzit vnbl
lichs dweyß sie aus reynē clarē weytzen vñ lauterem vnbe
fleckt getrenck ane alle hesen genomē / vñ in dem dz sie auff
den altar gebracht vñ Got geopffert werden / ouch heilig
seyñ / Dam was Got gegebē oder geopffert / wirt in der
schrift heylig genant.

Dz aber Luter spricht / Sint sie vorhin heilig / wie soll
sie dañ Got orst segnen od benedeyen / Ist ein herrliche red
vñ ein sollichen clugen māne / dañ was segnet Got lieber /
dañ dz da heilig vñ reyn ist. Sein wir nit in d touff alle
heilig worden. Solt vns Got darüb nit mher segnen oder
benedeyen. Ey solplich ding ist das wans gleych der schu
ster zu Elyenberg geschriben het.

Noch vil herrlicher lawts / dz er meynt / so wir Got blt
tē / dz er dls opffer frütlich anblicken vñ gnediglich anhe
men wöll / wir bitten den Vater für den Son. Dweyll er
vorhin yn seym buchlin vñ dem Narwen Testamēt d hey
ligen Mess. C. i. selber geschriben hat / Dz die Mess darüb
ein opffer genant werde / dz wir Got lob vñ danc / darzu
vns selbs vñ allen vnsern willē daryn opffern / wölkhs opf

fer wir nit für vns selbs furtragē. Sond auff Christū legē
vñ yne dz furtragen vñ opffern lassen sollen. Derhalben
die obgenaten wort nit auff Christū / sond auff vnser opf
fer / dz der Priester Christo / vñ Christus seynē vater vñ
serwegen furbringt vñ opffert / gedewt werden.

Gotstelerlich lawts ouch / Dz Luter die heiligē deren
im canon gedacht wirt / teuffel nennet / vñ spricht / es soltē
billich nit heiligen sond eytel teuffel da stehē / Wie sie dann
ouch sint. Aber dz ist nichtzit nawes. Dañ Luter vorhis
aller heiligen kirchen zu Wittenberg ouch aller teuffel kir
chen genent hat / daraus gut zuuermecckē dz er mher mit
den teuffeln / dann mit heiligen zuschaffen hat. Dañ wañ
ym der teuffeln im hertz seß / kein er im ouch nit so offte
auff die tzungē.

Meyster clugel tadelt ouch dz wir ym canon sprechen /
Wir bitte für die so mit dem zeichē des gloubes im schlaff
des frides schlaffen / dz yn got erquickung vñ dz licht des
frides verleyhē wöll / Dañ haben sie ruge vñ frid (spricht
er) was bittestu dann dz er yn erquickung vñ frid schaffen
wöll. Darzu antwort ich dz alle Christē / die yn Christli
cher eintracht lieb vñ gloubē verscheiden / ym frid schlaffen
also dz sie vor dem ewigentod vñ d hellē befridt vñ sicher
seyñ / Sie sint aber darüb noch nit sicher von aller pen des
seggewers vñ betzalig / Was sie hle versomet haben bis
auff den allerletzten quadraten. Darüb so blt die kirch für
die selben / dz ym got erquickung vñ dz licht des frides / dz
ist seyn klar licht angesicht / darinnen wir orst den rechten
vñ ewigen frid erlangen anzuschawen verleyhen wöll.

Entlich da die heiligen mit eyngetzogen / vñ gebeten
wirt dz vns got vñ irer gemenschafft zu lassen / vñ vns irs
verdinfts vñ furblt teilhaftig machen wöll. Sagt Luter
d gemenschafft Christi dorffen sie nicht / Sond macht di
ser Narr ein gedechtnis vñ gemenschafft der verschyden
heiligen draus / vñ setzt sie zu furbltter vñ mittler / furth
vns also von Christo auff die heiligen / ist dz nit ein schreck

Uch schendlich ding.

Wan aber d arme vergessne mensch so vil hymns het dz er gedechte wye er yn seyner Tesseradecas spectro fert o geschriben vber den artickele des gloubes Ich glewbe die heylig kirch. Gemeynschafft d heiligen. Do er also spricht / Was ist / Ich glewbe die Christlich kirch anderst / dann ich glewbe die gemeynschafft aller heilige (ich halt ouch deren ym hymel) damit ich mir all ir güter gemeyn mach / also dz ir Keuschheit Ir gebet / vñ all ir gute werck mein sint. Ir ehr meyn schand deckt. Ir vert lufft / meyn sund heylet / Vnd wer dz nit glewbt d ist vnglewbig / vnd verleucknet Christu vnd die kirchen. Dec Luter ibidem.

Weyl dan Luter itzo d heilige gemeinshafft / dienst vñ furbit vernicht vñ verwurffet. So volget aus seyn eygen worten / dz er Christu vñ die kirchen selber verleucktet hat / vñ man yn fur keyn Christen mber halten soll.

Das hab ich dir / O du Christlicher leser / zu offenbarüg Luters lügen / thorbheit / vñ vermessenheit ym beste anzeygen / vnd damit verwarnen wollen / das du dir die heyligen Messz keyn menschen auff erden layden / oder außreden lassst / vñ nit die Messz Sonder Luthern selber sampt seyner falschen lehr vnd büchern siehest / vnd meydest / als ein vnglewbigen / vnchristlichen Ketzler / Apostaten / vñ als den tauffel selber. Got beuolhen.